



K - Shkrime mbi begatinë

(K - Prosperity Scriptures)

Shenim:

1. Është e rëndësishme në jetën e një besimtar që ne t'i japim autoritet absolut dhe mbi çdo gjë tjetër "Fjalës se Perëndisë", pa marrë parasysh se çfarë duan të na përcjellin shqisat tona (dëgjimi, shikimi, shijimi, nuhatja dhe ndjenja) Kjo vlen për çdo situatë të jetës në të cilën jemi, duke përfshirë shërimin. Mbaj mend, ne ecim me ane te besimit, jo me ane te shikimit. Është jashtëzakonisht e rëndësishme për ne që të mësojmë të shpallim "Fjalën e Perëndisë" mbi rrethanat tona natyrore. Edhe Perëndia nuk tha atë që pa (errësirën) kur krijoi botën, por foli atë që donte te krijonte (dritën). Si një besimtar i rilindur, Jezusi tashmë te ka shëruar, çliruar dhe shpëtuar nga çdo sëmundje dhe pikëllim.

2. Sa herë që lexon në lidhje me shërbesen e Jezusit në shkrimet e shenjta, kushtoji vëmendje të veçantë fjalëve "të gjithë" dhe "çdo".

Shkrimet e begatisë

(Shkrimet nga ALBB)

Zanafilla 13: 2, 5-6, 14-17

² Abrami ishte shumë i pasur me bagëti, argjend dhe ar.
⁵ Edhe Loti, që udhëtonte bashkë me Abramin, kishte kope bagëtish dhe çadra. ⁶Dhe vendi nuk ishte në gjendje t'i mbante, po të banonin bashkë, sepse pasuritë e tyre ishin aq të mëdha sa nuk mund të qëndronin bashkë. ¹⁴ Dhe Zoti i tha Abramit, mbas ndarjes së Lotit prej tij: "Ço tani sytë e tu dhe shiko nga vendi ku je drejt veriut e jugut; drejt lindjes dhe perëndimit; ¹⁵ Tërë vendin që sheh, unë do të ta jap ty dhe pasardhësve të tu, përgjithnjë. ¹⁶ Dhe do t'i bëj pasardhësit e tu si pluhurin e tokës; prandaj në se dikush mund të llogarisë pluhurin e tokës, do të mund të llogarisë edhe pasardhësit e tu. ¹⁷ Çohu në këmbë, bjeri rreth e qark vendit, sepse unë do të ta jap ty".

Zan. 14: 22-23

²² Por Abrami iu përgjigj mbretit të Sodomës: "Unë kam ngritur dorën time drejt Zotit, Perëndisë Shumë të Lartë, zotërues i qiejve dhe i tokës, ²³ që nuk do të merrja asgjë nga ajo që të përket, as edhe një fije apo një lidhëse këpucësh, me qëllim që ti të mos thuash: "Unë e pasurova Abramin".

Zan. 17: 5-7

⁵ Dhe nuk do të quhesh më Abram, por emri yt do të jetë Abraham, sepse unë të bëj babanë e një shumice kombesh. ⁶ Do të të bëj shumë frytdhënës. Pastaj do të bëj prej teje kombe dhe prej teje kanë për të dalë mbretër. ⁷ Dhe do të caktoj besëlidhjen time midis meje dhe teje, si dhe me pasardhësit e tu, nga një brez në një

brez tjetër; kjo do të jetë një besëlidhje e përvetshme, me të cilën unë do të marr përsipër.

Zan. 26: 12-14

¹² Isaku mbolli në atë vend dhe po atë vit korri një prodhim njëqind herë më të madh; dhe Zoti e bekoj. ¹³ Ky njeri u bë i madh dhe vazhdoi të rritet derisa u bë jashtëzakonisht i madh. ¹⁴ Ai arriti të zotërojë kope dhensh dhe qesh dhe kishte një numër të madh shërbëtorësh. Kështu filistenjtë e patën zili,

Zanafilla 30:43

⁴³ Kështu ai u bë shumë i pasur dhe pati një numër të madh kopesh, shërbëtorësh, shërbëtorësh, devesh dhe gomarësh.

Zanafilla 39: 2-3

² Zoti që me Jozefin, dhe ky pasurohej dhe banonte në shtëpinë e zotërisë së tij, egjiptasit. ³ Dhe zotëria e tij e pa që Zoti që me të dhe që Zoti e sillte mbarë në duart e tij gjithçka bënte.

Eksodi 3: 7-8

⁷ Pastaj Zoti tha: "Sigurisht që e kam parë pikëllimin e popullit tim që ndodhet në Egjipt dhe e kam dëgjuar britmën e tij për shkak të shtypësve të tij, sepse i njoh vuajtjet e tij. ⁸ Kështu zbrita për ta çliruar nga dora e egjiptasve dhe për ta çuar nga ky vend në një vend të mirë dhe të hapur, në një vend ku rrjedh qumështi dhe mjalti, në vendin ku ndodhen kanaanentë, hitenjtë, amorenjtë, perezentë, hivenjtë dhe jebusenjtë.

LiP.8:18

¹⁸ **Por kujto Zotin, Perëndinë tënd, sepse ai të jep forcën për të fituar pasuri, për të ruajtur besëlidhjen për të cilën Ai iu betua etërve të tu, ashtu siç është në fuqi sot.**

LiP. 28: 1-2

¹ "Tani, në rast se ti i bindesh me zell zërit të Zotit, Perëndisë tënd, duke pasur kujdes të zbatosh tërë urdhërimet e tij që sot unë po të urdhëroj, do të ndodhë që Zoti, Perëndia yt, do të të lartësojë mbi të gjitha kombet e dheut; ² të gjitha këto bekime do të bien mbi ty dhe do të të zënë, në rast se dëgjon zërin e Zotit, Perëndisë tënd:



K - Shkrime mbi begatinë

LiP.28:11

¹¹ Zoti, Perëndia yt, do të të mbushë me të mira, me frytin e barkut tënd, me frytin e bagëtisë sate dhe me frytin e tokës sate në vendin që Zoti u betua t'u japë etërve të tu.

LiP.29: 9

Respekti, pra, fjalët e kësaj besëlidhje dhe zbatohen në praktikë, me qëllim që të keni mbarësi në çdo gjë që bëni.

LiP. 30: 19-20

¹⁹ Unë marr sot si dëshmitarë kundër teje qiellin dhe tokën, që unë të kam vënë përpara jetës dhe vdekjes, bekimit dhe mallkimit; zgjidh, pra, jetën që të mund të jetoni ti dhe pasardhësit e tu, ²⁰ dhe të mund ta duash Zotin, Perëndinë tënd, t'i bindesh zërit të tij dhe të qëndrosh i lidhur ngushtë me të, sepse ai është jeta jote dhe gjatësia e ditëve të tua, kështu që ti të mund të jetosh në vendin që Zoti u betua t'u japë etërve të tu: Abrahamit, Isakut dhe Jakobit".

Jozueu 1: 5

⁵ Askush nuk do të mund të të kundërshtojë gjatë tërë ditëve të jetës sate; ashtu siç kam qenë me Moisiun, kështu do të jem me ty; nuk do të të lë, as nuk do të të braktis.

Jozueu 1: 8

⁸ Ky libër i ligjit mos u ndaftë kurrë nga goja jote, por mendohu për të ditë e natë, duke kërkuar të veprësh sipas të gjitha atyre që janë shkruar, sepse atëherë do të kesh sukses në veprimet e tua, atëherë do të përparosh.

2 Mbretërve 18: 7

⁷ Kështu Zoti mbeti pranë tij, dhe atij i dilnin mbarë të gjitha ndërmarrjet e tij. Ngriti krye kundër mbretit të Asirisë dhe nuk iu nënshtrua më;

2 Kronikave 26: 5

⁵ Ai kërkoi Perëndinë gjatë jetës së Zakarias, që kuptonte vegimet e Perëndisë; dhe përderisa kërkoi Zotin, Perëndia e begatoi.

Psalmi 1: 3

³ Ai do të jetë si një pemë e mbjellë gjatë brigjeve të ujit, që jep frytin e tij në stinën e tij dhe të cilit gjethet nuk i fishken; dhe gjithçka bën do të ketë mbarësi.

Psalmi 35:27

²⁷ Këndofshin dhe gëzofshin ata që kanë në zemër çështjen time të drejtë dhe thëncin vazhdimisht: "Lëvduar qoftë Zoti, **që e do paqen e shërbëtorit të tij**".

Psalmi 37: 25-26

²⁵ Unë kam qenë fëmijë dhe tani jam plakur, por nuk e kam parë kurrë të drejtin të braktisur dhe pasardhësit e tij të lypin bukë. ²⁶ Ai ka mëshirë dhe jep kurdoherë hua; **dhe pasardhësit e tij janë në bekim..**

Fjalët e Urta 3: 9-10

⁹ **Ndero Zotin me pasurinë tënde dhe me prodhimet e para të çdo të ardhure që ke:** ¹⁰ hambarët e tu të grurit do të jenë plot e përplot dhe vozat e tua do të gufojnë me mush.

Fjalët e Urta 10:22

²² Bekimi i Zotit pasuron dhe ai nuk shton asnjë vuajtje.

Fjalët e Urta 13:22

²² Njeriu i mirë i lë një trashëgim bijve të bijve të tij, por pasuria e mëkatarit vihet mënjanë për të drejtin.

Fjalët e Urta 19:17

¹⁷ Ai që ka mëshirë për të varfrin i jep hua Zotit, i cili do t'ia kthejë ato që i ka dhënë.

Fjalët e urta 22: 7

⁷ I pasuri sundon mbi të varfrit, dhe huamarrësi është skllav i huadhënësit.

Fjalët e urta 28:13

¹³ Kush i fsheh shkeljet e tij nuk do të ketë mbarësi; por ai që i rrëfen dhe i braktis ato, ka për të fituar mëshirën.

Pred. 11: 1

¹ Hidh bukën tënde mbi ujërat, sepse pas shumë kohe do ta gesh përsëri.

Isaia 1:19

¹⁹ Në rast se jeni të gatshëm të bindeni, do të hani gjërat më të mira të vendit;

Isaia 48:15, 17

¹⁵ Unë, unë i fola, po, unë e thirra, e bëra të vijë dhe do të bëj **që veprimi i tij të shkojë mbarë.** ¹⁷ Kështu thotë Zoti, Çliruesi yt, i Shenjti i Izraelit: "**Unë jam Zoti, Perëndia yt, që të mëson për të mirën tënde**, që të udhëheq nëpër rrugën që duhet të ndjekësh.



K - Shkrime mbi begatinë

Isaia 55:11

¹¹ Kështu do të jetë fjala ime e dalë nga goja ime; ajo nuk do të më kthehet bosh mua, pa kryer atë që dëshiroj dhe pa realizuar plotësisht atë për të cilën e dërgova.

Hagai 2: 7-9

⁷ do t'i bëj të dridhen gjithë kombet; dëshira e gjithë kombeve do të vijë dhe unë do ta mbush këtë tempull me lavdi", thotë Zoti i ushtrive. ⁸ "Argjendi është imi, ari është imi", thotë Zoti i ushtrive. ⁹ "Lavdia e këtij tempulli të fundit do të jetë më e madhe nga ajo e të mëparshmit", thotë Zoti i ushtrive; "dhe në këtë vend unë do të sjell paqen", thotë Zoti i ushtrive.

Malakia 3: 10-12

¹⁰ Sillni gjithë të dhjetat në shtëpinë e thesarit, që të ketë ushqim në shtëpinë time dhe pastaj më vini në provë për këtë gjë", thotë Zoti i ushtrive, "në se unë nuk do t'i hap pragjet e qiellit dhe nuk do të derdh mbi ju aq shumë bekim, sa nuk do të keni vend të mjaftueshëm ku ta shtini. ¹¹ Përveç kësaj do të qortoj shumë për ju gllabëruesin, me qëllim që ai të mos shkatërrojë më frytin e tokës suaj, dhe vreshti juaj nuk do të reshtë të sjellë për ju fryt në fushë", thotë Zoti i ushtrive. ¹² "Të gjitha kombet do t'ju shpallin të lumtur, sepse ju do të jeni një vend kënaqësish", thotë Zoti i ushtrive.

Mateu 6: 19-21

¹⁹ Mos mblidhni për vete thesare mbi tokë, ku i brejnë tenja dhe ndryshku, dhe ku vjedhësit shpërthejnë dhe vjedhin, ²⁰ përkundrazi mblidhni për vete thesare në qiell, ku as tenja as ndryshku nuk prishin dhe ku vjedhësit nuk shpërthejnë dhe nuk vjedhin. ²¹ Sepse ku është thesari juaj do të jetë edhe zemra juaj.

Mateu 6: 25-26, 28, 30, 32-33

²⁵ Prandaj po ju them: mos u shqetësoni për jetën tuaj, për atë që do të hani ose do të pini, as për trupin tuaj, për atë që do të vishni. A nuk është vallë jeta më me vlerë se ushqimi dhe trupi më me vlerë se veshja? ²⁶ Vini re zogjtë e qiellit: ata nuk mbjellin, nuk korrin dhe nuk mbledhin në hambarë; megjithatë Ati juaj qiellor i ushqen. A nuk vleni ju shumë më tepër se sa ata? ²⁸ DPse shqetësoheni për veshjen tuaj? Vini re si rriten zambakët e fushës: ata nuk lodhen dhe nuk tjerrin; ³⁰ Tani nëse Perëndia e vesh kështu barin e fushës, që sot është dhe nesër hidhet në furrë, vallë nuk do t'ju veshë shumë më tepër ju, njerëz besimpakë? ³² Sepse janë paganët ata që kërkojnë të gjitha këto gjëra; Ati juaj qiellor, pra, e di mirë se ju keni nevojë për të gjitha këto gjëra. ³³ Por para së gjithash kërkon mbretërinë e Perëndisë dhe drejtësinë e tij dhe të gjitha këto gjëra do t'ju shtohen.

Marku 4:19

¹⁹ por shqetësimet e kësaj bote, mashtrimet e pasurisë dhe lakmitë për gjëra të tjera që hynë, e mbyten fjalën dhe ajo bëhet e pafrytshme.

Marku 4: 20-25

²⁰ Kurse ata që e morën farën në tokë të mirë, janë ata që e dëgjojnë fjalën, e pranojnë dhe japin fryt: një tridhjetë, tjetri gjashtëdhjetë dhe tjetri njëqind". ²¹ Pastaj u tha atyre: "A merret vallë llamba për ta vënë nën babune ose nën shtrat? A nuk vihet mbi dritëmbajtësen? ²² Sepse nuk ka asgjë të fshehtë që të mos zbulohet, as kurrëgjë sekrete që të mos dalin në dritë. ²³ Kush ka veshë për të dëgjuar, le të dëgjojë!" ²⁴ Dhe u tha atyre: "Vini re atë që dëgjoni. Me atë masë që ju matni, do t'iu matet juve; edhe juve që dëgjoni do t'iu jepet edhe më. ²⁵ Sepse atij që ka, do t'iu jepet, por atij që s'ka, do t'iu merret edhe ajo që ka.

Marku 4: 23-29

²³ Kush ka veshë për të dëgjuar, le të dëgjojë!" ²⁴ Dhe u tha atyre: "Vini re atë që dëgjoni. Me atë masë që ju matni, do t'iu matet juve; edhe juve që dëgjoni do t'iu jepet edhe më. ²⁵ Sepse atij që ka, do t'iu jepet, por atij që s'ka, do t'iu merret edhe ajo që ka. ²⁶ Tha akoma: "Mbretëria e Perëndisë është si një njeri që hedh farën në dhe. ²⁷ Dhe natën dhe ditën, ndërsa ai fle dhe çohet, fara mbin dhe rritet, pa e ditur ai se si. ²⁸ Sepse dheu prodhon vetvetiu më parë kërcellin, pastaj kallirin, dhe më në fund kallirin plot me kokrra. ²⁹ Dhe kur fryti piqet, menjëherë korrësi i vë draprin, sepse erdhi koha e korrjes.

Luka 6:38

³⁸ Jepni dhe do t'ju jepet: një masë e mirë, e ngjeshur, e tundur, gufuese do t'ju derdhet në gji, sepse me atë masë që do të matni, do t'ju matet edhe juve gjithashtu".

Luka 7:23

²³ I lumi ai që nuk do të skandalizohet prej meje!".

Luka 12:15

¹⁵ Pastaj u tha atyre: "Kini kujdes dhe ruhuni nga koprracia, sepse jeta e njeriut nuk qëndron në mbushullinë e gjërave që zotëron".



K - Shkrime mbi begatinë

Luka 12:21

²¹ Kështu i ndodh atij që grumbullon thesare për vete dhe nuk është i pasur ndaj Perëndisë¹¹.

Lluka 16: 10-12

¹⁰ Kush është besnik në të vogla, është besnik edhe në të mëdhatë; dhe kush është i padrejtë në të vogla, është i padrejtë edhe në të mëdhatë. ¹¹ Pra, në qoftë se ju nuk keni qenë besnikë në pasuritë e padrejta, kush do t'ju besojë pasuritë e vërteta? ¹² Dhe, në qoftë se nuk keni qenë besnikë në pasurinë e tjetrit, kush do t'ju japë tuajën?

Romakëve 13: 7-8

⁷ I jepni, pra, secilit atë që i takon: tatimin atij që i përket, druajtje atij që është për t'u druajtur, nderimin atij që është për nderim. ⁸ Mos i kini asnjë detyrim askujt, përveçse ta doni njëri-tjetrit, sepse ai që e do tjetrin e tij e ka përmbushur ligjin.

1 Kor.13: 3

³ Edhe sikur të ndaja gjithë pasuritë e mia për të ushqyer të varfrit dhe ta jepja trupin tim që të digjej, e të mos kisha dashuri, nuk do të më vlente asgjë!

2 Kor. 8:9

⁹ Sepse ju e njihni hirin e Zotit tonë Jezu Krisht, i cili, duke qenë i pasur, u bë i varfër për ju, që ju të bëheni të pasur me anë të varfërisë së tij.

2 Kor. 9: 6

⁶ Dhe ju them këtë: Ai që mbjell me kursim, do të korrë po me kursim; dhe ai që mbjell dorëhapur edhe do të korrë dorëhapur.

2 Kor. 9: 8, 11

⁸ Dhe Perëndia mund të bëjë që gjithë hiri të teprojë për ju, aq sa mbasi të keni gjithnjë mjaft në çdo gjë, t'ju teprojë për çfarëdo pune të mirë, ¹¹ dhe atëherë do të pasuroheni për të qenë dorëdhënë, duke i sjellë nëpërmjet nesh falënderim Perëndisë.

Galatasve 3: 13-14

¹³ Krishti na shpengoi nga mallkimi i ligjit, sepse u bë mallkim për ne (duke qenë se është shkruar: "I mallkuar është kushdo që varet në dru"), ¹⁴ që bekimi i Abrahamit t'u vijë johebrenjve me anë të Jezu Krishtit, që ne të marrim premtimin e Frymës me anë të besimit.

Efesianëve 4:28

²⁸ Ai që vidhte, le të mos vjedhë më, por më tepër të mundohet duke bërë ndonjë punë të mirë me duart e veta, që të ketë t'i japë diçka atij që ka nevojë.

1 Timoteut 6: 17-19

¹⁷ Porositi të pasurit e kësaj bote të mos jenë krenarë, dhe të mos i mbajnë shpresat në pasurinë që është e pasigurt, por në Perëndinë e gjallë, i cili na jep gjithçka bujarisht për ta gëzuar, ¹⁸ të bëjnë të mira, të bëhen të pasur në vepra të mira, të jenë bujarë dhe të gatshëm për të dhënë, ¹⁹ duke mbledhur si thesar një themel të mirë për të ardhmen, për të arritur jetën e përjetshme.

Hebrenjve 7: 8

⁸ Veç kësaj ata që i marrin të dhjetat janë njerëzit që vdesin, kurse atje i merr ai për të cilin dëshmohet se rron.

Hebrenjve 11: 6

⁶ Edhe pa besim është e pamundur t'i pëlqesh Atij, sepse ai që i afrohet Perëndisë duhet të besojë se Perëndia është, dhe se është shpërblyesi i atyre që e kërkojnë atë.

3 Gjonit 1: 2

² Shumë i dashur, unë dëshiroj të kesh mbarësi në çdo gjë dhe të gëzosh shëndet të mirë, ashtu si ka mbarësi shpirti yt.

JEZUSI ËSHTË ZOT!



K - Shkrime mbi begatinë